

Powšitkowne WOZJEWJENJA

njedźelu, 30. awgusta 2026

Nabožne wusyłanja w serbskim rozhłosu

Katolske nabožne wusyłanje w Serbskim rozhłosu MDR ma tutu njedźelu, 30. awgusta, Radworski farar Beno Jakubaš. Wotkaz na nabožne wusyłanje w mediatece MDR je pod www.posol.de podaty, zdobom chowa so za QR-codom.

Migracija mjez zmužitosću a mytosami

Z Kulowa pochodźacy pater Fabian Rječka, referent za politisku komunikaciju Jezuitskeje služby za čekancow w Němskej (JRS), přeprošuje zajimcow na zhromadnu rozmołwu wo nazhonjenjach a prašenjach w zwisku z připućowanjom čekancow. Wona wotměje so wutoru, 1. septembra, wot 19.00 do 20.30 hodź. w Budyskim ekumeniskim tachantskim wobchodze. Wón chce starosće a nadžije chutnje brać, mytosy wujasnić a k mjezyčłowjeskemu angažementej pozbudźować. Zarjadowanje skići zdobom dohlad do wšedneho džěła JRS z čekancami a ma wid za čłowjeskosć w debaće rozšěrić.

Slěborny biskopski jubilej w Drježdźanach

Drježdźansko-Mišnjanski biskop Heinrich Timmerevers swjeći sobotu, 5. septembra, slěborny jubilej swojeje biskopskeje swjećizny. Swjedženske kemše su w 10.30 hodź. w Drježdźanskej katedrali. Na nje su wšitcy přeprošeni.

Modlenje před Najswjećišim w Róžeńce

Wěriwi su na modlenje před Najswjećišim sobotu, 5. septembra, we 18.00 hodź. do Róžeńčanskeje hnadowneje cyrkwy přeprošeni. Paćerje budu w serbskej a němskej rěči spěwane.

950 lět Hodźijska cyrkej

W Hodźiju swjeća njedźelu, 13. septembra, w 9.30 hodź. składnostnje 950lětneho jubileja, zo bu pod biskopom Benom přěnja kamjentna cyrkej natwarjena, dwurěčnu Božu službu. Swjedženski předar budže sakskej krajny biskop Tobias Bilz. Wšitke chóry Hodźijskeje wosady chcedža kemše wobrubić. Wočakuja katolske a ewangelske Serbowki w narodnej drasće.

Nyšpor z modlitwu kadiš

Na Budyskim židowskim pohřebnišću budu so njedźelu, 6. septembra, w 17.00 hodź. kadiš modlić. Praski židowski kantor Michal Foršt je swoje wobdźělenje připowědźił. Kěrchow je wot Mužakowskeje dróhi přistupny. Wšitcy su witani.

Swójbne popołdnjo TCM we Wotrowje

Sekcija Swójba Towarstwa Cyrila a Metoda z.t. přeprošuje swójby na zabawne popołdnjo, kotrež wotměje so njedźelu, 13. septembra, we Wotrowje. Spočatk budže w 15.00 hodź. při Starej šuli. Po wodženju su wšitcy na swačinu na farje prošeni.

Projektowy dzień za dźěci



Worklečanske dekanatne dušepastyrstwo za dźěci přeprošuje wšitkich šulerjow wot 1. do 6. lětnika ze serbskich wosadow na zhromadny dzeń pod hesłom „Stark-Mach-Tag“. Tam tematizuja na jednore wašnje wšědne situacije dźěci – wot překročenja hranicow hač k seksualizowanej namocy –, kotrež bychu dźěci dožiwić móhli. Zaměr je, dźěci přez zhromadnosć z druhimi, wjeselo při hraću a zaběru z wobsahami dnja w jich sebjewědomju skrućić. Zdobom nawuknu wobdźělnicy wjele wo sebi, swójskich prawach a začućach.

Zarjadowanje ze stajnje samsnym wobsahom za dźěci budže na scěhowacych terminach: sobotu, 10. oktobra, w Njebjelčicach, wutoru, 13. oktobra, w Ralbicach a srjedu, 14. oktobra, w Radworju. Zhromadny dzeń zahaji so stajnje we 8.45 hodź. a skónči so w 15.00 hodź. Wobdźělenje w druhej město domjacej wosadze je móžne. Za wudawki dnja zběraja sydom eurow. Ličba městnow je wobmjezowana. Přizjewjenja přijimuju hač do pjatka, 18. septembra, online. Link za to je pod www.posol.de wozjewjeny.



Inspiraciski dzeń za tych, kiž so we wosadach za dźěci a swójby zasadźuja

Drježdžansko-Mišnjanske biskopstwo a iniciatiwa „Misionariske rozmachi“ Sakskeje Ewangelsko-lutherskeje krajneje cyrkwe přeprošujetej wšitkich, kotřiž so w swójbym a dźěćacym dušepastyrstwie angažuja abo za to zajimuju, na inspiraciski dzeń. Předznamosće njejsu za to trěbne. Zarjadowanje wotměje so sobotu, 19. septembra, wot 9.30 do 16.00 hodź. w biskopskej zakładnej šuli Maria Montessori na Tzschirnerowej 12 w Budyšinje. Poskiča wšelake dźělarnički, mjez druhim, kak móžeš bibliske stawizny žiwje powědać, dźěci na přenje swjate woprawjenje přihotować abo wěru z hudźbu a pohibami sposrědkować. Zajimcy měli so hač do wutory, 8. septembra, online přizjewić. Link z dalšimi informacijemi je pod www.posol.de wozjewjeny.

Zetkanje samostejacych

Samostejacy ze serbskich wosadow su na swoje zetkanje wutoru, 15. septembra, w 14.00 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 8. septembra, w redakciji Katolskeho Posola přizjewja, telefonowe číslo (0 35 91) 55 02 12. Witani su tohorunja ci, kotřiž njejsu samostejacy. Prošu Wosadnik sobu přinjesć. Štóž chce wotewzaty być, njech to prošu zdźěli.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdźělić, móža so na internetowej stronje www.posol.de přizjewić. Tam su nadrobne informacije podate. Zdobom je kruh móžnych wobdźělnikow powjetšeny a doba přizjewjenja podlěšena.

Towarstwo w Rumunskej podpěrać

Towarstwo Cyrila a Metoda z.t. (TCM) chce ze swojej akciju „Łužica pomha“ towarstwu Fundatia CJD Domus w Keresztúru pomhać. Štóž chcył akciju z pjenježnym darom podpěrać, njech přepokaza swój dar na konto Towarstwa Cyrila a Metoda z.t. (TCM): Cyrill-Methodius-Verein e.V., IBAN DE65 7509 0300 0008 2823 66, hesło: „Rumunska“. Za dary hač do 300 eurow dosaha za financny zarjad mjeztym jako dopokaz kontowy wučah. Za wyše sumy wustaji TCM darowansku kwitowanku, trjeba pak dospołnu adresu, kotruž měli z mailku na TCM@Posol.de abo telefonisce pod (0 35 91) 55 02 10 zdźělić.